

平庵悔稿

平庵悔稿卷一

括蒼項安世平甫著

四言古詩

盤居六章

寶峰之陰其山深深有美一人瓊弁玉簪  
雲居之陽其水洋洋有美一人霞衣月裳  
山之紆紆密雲所廬彼盤之人亦豐厥儲  
山之營營衆流所經彼盤之人亦溥厥成

漸以中上屯以正行匪盤之異惟物之情  
行正盤盤其樂孔多請以是居子如之何

五言古詩

江梅水仙同賦

蕭然兩高人冠珮何楚楚齊魯有大臣可敬不可侮東  
風吹百花餘子不足數同為歲晚游各不相媚嫵君看  
冰雪姿定肯學兒女三肅庵中人此客難為主

次韻謝王稟秀才四首

掩闥飽黑甜屏跡慕烏有何心望披拂注意及衰朽勞  
君崔巍徒過我沮溺耦拜手把瓜桃捫胸愧箕斗  
春來無酒倩客至得詩材論文古本壯誦白鬚髯開鮮  
芳曜枯朽駿步驚駑駘巍巍王謝家衮衮世有才  
書生無炎涼市道有贏詘世方重陶猗君獨師賈屈反  
是自求背己方成散樂地名教中金珠彼何物  
一萬里江天供君作詩用靈均泛沅澧子美去梁家兩  
公取不竭留與我輩共莫歌白雲詞便作清廟頌

水圖詩壽王丞相代崇慶錢知府作

水於天地間體物而不倚其數為天一衆有之所始其  
辰為士癸重任之所揆其德為智端非非而是是其聲  
為羽音宇覆而物止精為九霄月脈為百川水上為雲  
千峯下為霧五里春雨散膏腴秋霜歛華靡露滋夏畦  
活雪喚冬麥起五行雖異生宰割由一軌火蒸妃合釐  
金鑄母生子鑿土得乳泉斷木出脂髓瀑垂石山崩求  
出砂坑畧盛德其神予有生皆具此雖然比其源萬變

難此擬盡位觀其流庶幾有窮已前稽夏書意後考周  
雅旨何為中國經江作南邦紀濟溢陶邱陰漢合武昌  
浚桐柏濬靈源烏鼠導幽趾弱水沉一毛涇泥灌千埤  
人水壯函秦三川貫熊耳汾潞表參墟睢漳雄楚羊洞  
庭泊南放彭蠡浩東迤震澤古垂聲巢湖晚呈詭東南  
有巨海萬派所奔委有海無乾坤朝昏浸淵熒或云尾  
閭泄難測大荒理源流皆莫究却立但瞪視小人竟何  
知但識農圃技蓄為陂與塘鑿為沼與江大者川澮儲

小者溝洫侍蔬畦行溉澤花徑分汎灑麥疇散餘潤稻  
畎入清瀾掘井資金鬻漁溪得魴鯉暑飲救行暍舟泛  
蘇跣履溫瘳病夫瘍寒漱居士齒追惟平生事日用無  
不以誓言報之德反覆謀諸已嗟嘆之不足咏歌耶復  
爾形容萬分一賴有真畫史林滿元氣濕浩蕩入神鬼  
朝瞻首九頓暮拜膝再跪置之茅櫪中驚嚇走童稚共  
惟大丞相盛德宜此此智如源之深澤如委之被窮測  
理難言沾勺人自喜清臺候鵜火成數肇張矢小人有

溪芹不敢持送似再拜獻此圖與水千萬禩

送李季章

聖靈昔回春霑沐仰清徽十載朝雲陞賞心惟良知索  
居易永久哀疾忽在斯常恐鷹隼擊微命察如絲末塗  
幸休明成貸遂兼茲且仲獨往意追尋栖息時心事俱  
已矣星星白髮垂惟聞蔣生往想像崑山姿歡娛寫懷  
抱愛客不告疲莫言相遇易趣途遠有期勿貽白首歎  
祇足攬余思伊余秉微尚不為歲寒欺拙疾相倚薄雲



三  
歸日西馳養疴邱園中意愜理無違况值衆君子文物  
興歲旒獻納雲臺表心胸既云披華屋非蓬居工拙各  
有宜明哲持經論試用此道推

### 得句

平生為斯文思極心欲破得句如得官歡喜不能奈遠  
沐行百匝如覺此身大昔我得官時悠然但高卧

### 答賀者

自聞諸賢興便謂我當出親朋願其貴賀者日盈室雖

感賀者情奈此十年疾平生萬事偽獨有病是實下床  
足攣圍出戶膚惜慄空懷魏牟心未遇盧扁術向來謂  
未已那料見今日幸逢世和平吾願良已畢請賢致嘉  
靖即與我身一政恐我自為粗疎更難必

答張以道

君詩不可狀似是秋蘭清急者無近色靜嗅有餘馨  
饑來食杞菊不願生鵝腥長安三市裏香香一鵝冥

謝查元吉借示僚軒今是齋巢室三書

堂堂係軒翁學古無不探詰訓尊六經文章妙瞿曇大  
兒號今是思君春波涵最長作千百時用經訓參猶子  
號巢室清甚寒泉甘尤善賦五七每于禪悅耽各得一  
翁體與翁名字三我生在翁後鶴化無留縣今是亦已  
往龍亡空古潭猶能及巢室朝暮聞其談結交盡前輩  
舊事多所諳五斗驅我行歸來哭空龕故園但喬木後  
生誰指南今年四月尾暑氣如焚悵慙小巢室浩蕩  
傾羸廬併持三篋來為飽千里婪例海見珠璣連山閱

梗桡斂衽不知熟醉心常自酣門前日煢煢門內風飈飈  
清晨送書去過午忽不堪始悟歲方煥雪祈遍精藍  
誰能寫此書長使雨聲去我菴

舊名園今是齋  
名菴巢室名藻

輯陶句送胡仲方東歸四首

淒淒風露交落葉滿長陌荆扉盡常閉寂寂無行迹東  
方有一士素袍深可惜時復墟曲中載醪祛所惑遙遙  
至南荆比士再難得

相知何必早一遇盡慙疑義相與析立善常所欣野

外軍人事思與爾為隣如何舍此去興言在茲春來雁  
有餘聲念來存故人

萬族各有記吾亦愛吾廬誰言客舟遠歸子念前途晨  
夕看山川相將還舊居斗酒聚比隣再喜見友手念彼  
窮居士門庭日荒蕪

羈鳥戀舊林我心固匪石君情定何如政爾不能得豫  
章抗高門義風都未隔及時當勉勵步步尋往跡見重  
我軒皇事事悉如昔

和王少清用昌黎送劉師服韻索近作

兒時學戇語筆力思摩秋年來頗解事毀去不復留荷  
君俎豆我重意難為酬不逢吞舟鯨十牒虛垂釣徒蒙  
萬金價竟以瓦礫售夫君自竒偉下筆不肯休須我合  
藥紙欲兼砂扎收

俗謠云故紙可合藥

江州陳待制送酒

誰謂淵明遠我住栗里源亦有好事人送酒黃花前舉  
酒對南湖見之心悠然相逢各無心後世自稱賢

送葉叅議知蘄州

丈夫曉問珠骨作兒女滴晚與秘書辭愴然欲霑臆我  
家括山下土俗號窮僻自我來荊州邦風更蕭瑟流落  
三十年魚蝦共眠食出門無所往入門長太息自從祕  
書來覺我好顏色香霧浹衣巾春風醉膚革斂我氣馬  
浮廣我心地窄年來因侵暴雨髻愁欲白家門危破碎  
意氣向消釋萬事不稱懷獨此天下特如何下江船便  
掛北風席吹君向南岸留我著江北向來窮未苦今日

窮始極君行見張薛為道此愁寂

送范少約二首

天地為一家萬人生其中父母甚愛之產智牧其蒙雖  
蒙亦吾子一一關天胸所以聖賢心相傳極哀惻晝夜  
當兢兢明命敢不冀此意一以忘萬命為牢饗誰能指  
斯路鄒魯兩哀公

侃侃太史孫風誼美於玉生才天豈虛此士世所屬秦  
槌不敢贈孔道以相告一世須大與長途要堅毅神天



平庵悔稿卷一

八

極度恭萬姓吾骨肉念此心迹融永以天下福

次韻蕭復秀才

崇雲護南山有士在其下俗駕日滔滔誰為問津者美人兩世舊獨許半席假詩從墨中來繁露清可把

次韻襄陽常縣尉送行

別酒不可飲別袂不可分所嗟君勸我已復又勸君人生寧不老值此相送頭君家近天咫我職在湘濱山頭一揮手從此斷知聞甫昔年少日著論淮過秦只今惟

莫莫於世不諄諄何由東南去復與吾子親捧刺欲填  
字食齏悲受辛勉哉刷羽翰往立要路津

次韻當陽沈知縣送行

繼祖興國人用吳襄陽送  
行韻

爾行欲何之觸熱官裏去官今有何急須爾不得住借  
問年幾何四十條已暮前途更如此所著真幾屨明廷  
集夔襄古樂福韶護獨吹牛背笛焉往不得悟但開湘  
山好藏室銷烟霧平生獨往夢恍惚至其處胡張骨已  
冷學者半新故誰能用師說九守立堅戍閫持一青筌

往喚洞庭渡飛上祝融峯晴雲摩輕絮

出安平山口自此無山矣作別山詩

自我出鄆郊兩山與我行徘徊不忍去為雨阻我程我  
程不可阻前山當我橫荆陽到班行翳蒼復崢嶸中中宵  
與之語山鬼若見聽衣上西山雲頭上蒙泉纓與君未  
始別此別莫關情明朝出山去一笑漢江清

二十九日道中次韻酬寄羅鄂州

經世事日遠獨往索婆婆兩途一未遂痛飲復高歌往

長者已矣黃山鬱嵯峨

屬令弟故  
鄂州使君

在者聊復爾後生誰

錯厚向來志士心中夜如驚波秋鷹錦韞鍔天馬金盤

陀用士苦不早歲月颯已過剖符蠻觸開使逐屈宋峨

珊珊青霞珮粲粲紫玉珂不嘆舞地小但道暮山多我

意欲憐君將如君笑何

次韻徐縣丞送行

畵字用之

用之索句苦字字嚴以清嚼之有永味悠然寄深情去

年作一詩如聽湘樂樂

上如字  
下音洛

聲翻楚客思

去聲

曲罷游

魚覺今年作一詩如看湘水去衝風結回波澹靄凝遠  
暮君詩新不作作則千夫開情自屈賈出聲自黃陳來

題蟬蝶畫扇

曉日分花飛晚風兮柳嘶異趣兮同樂之二蟲兮何知

次韻謝姜自明秀才示卷詩

高人貴寡和不顧世俗非君歌陽春曲調與衆耳違朱  
弦古時瑟素積前朝衣享我太羹饌枯腸飲晨饑贈我  
和氏璧茅欄發霄暉平生織流黃忽受古錦機愧非鍾

子鑒空枉伯牙徽

次東坡雪詩十六韻三首

久從雲共商稍與霰相和初看稀可教漸覺多難奈如  
塵寒道起似瑰當空隨練擣萬家砧糠揚千廩簸寧舞  
勢傲傲爭暉明瑤瑤崑崙玉成灰閩溪茶出磨瘠土總  
主腴衡門亦堆貨樵蘇帶粉檐弱杆如冰剉朱轂化瑤  
車華鞍變壇坐兒看廢晨誦大走妨宵卧漫天一遠近  
蓋地均坎坷改却松篁青遮盡堯壤浣獨有井成穿惟

餘注帶破處處作花衢家家產鹽課銀富不憂貧米多  
寧患餓此興豈無因賤貧聊自賀

雲來已三白詩唱當再和方無望其有既有不可柰方  
卑看成高既高還易隨婦言天雨米安得箕可簸兒言  
天雨玉安得刀可瑳粉厚婢思塗麤僅欲磨茗塵吾  
自吸榆莢鄰俾貸我馬玉山木飢甚晞可剗我客金城  
羶寒甚晞可坐欲出無人蹤旦起復且卧欲行無地皮  
疑坎復疑坳下鋪鵝肪壁千里無點沱上張旅腋裘六

合無鱗破仕者有遠謀來年卜農課貧者懷近憂眼下  
不救餓書生於其間俯弔而仰賀

高低互騰凌先後更唱和密密驕有餘斜斜困無奈翔  
空欠未集到地期不墮雲惜暗遮圍風欺惡掀簸林光  
夜瑤鏗瓦色晨玳瑁大喜吠若驚兒顛走如磨體虛君  
勿嫌害寶更堪貨飛遁絮毛弱藏耐刀斧剗三絨桃李  
蹊十襲莓苔坐嘆治害魚游封巢妨鶴卧經厨忍渙汗  
庭井翻坎珂入水恨先融沾泥悲易浣苦遭柔條翻故



塵堅竹破已積深可量方來密難課宵明宿雀譁盡合  
盤鴻餓東日漏微光窮人起相賀

次韻趙主簿雪詩十韻二首

墮地白初形當空黑如影喧飀復排拶混沌方溟津惟  
餘塔可辨始信江南迴浩蕩海揚塵糝糊山覆頂梅肥  
賴香異竹折傷秀挺瞻鳥已無色認鶴猶有脰簇簇歌  
處棲栖畫中艇端門想班賀沙路爭駿騁賦客夢游  
梁逐臣悲去郢沾髻不能嫌霜毛已垂領

厖亂空中花踡躑水中影  
屑屑復騷騷涼涼何淅淅  
風急陣形圖雲深兵勢迴  
簷鵲換緇衣臯禽失丹頂  
雁驚蘆箭射魚畏冰又挺  
出印東郭踉歸遮少陵脰  
坐對孫康書眠思子猷艇  
夜氣忽崢嶸水天夢馳騁  
齊珠擬誇梁卞玉思獻郢  
砭凍月千間遺寒麈萬領

平庵悔稿卷一

平菴悔稿卷二

括蒼項安世平甫著

七言古詩

別周季隱東湖隱居

君不見東湖先生徐師川雅歌清廟彈朱弦又不見于  
湖居士張安國健語龍蛇雜矛戟佳人往矣不易致見  
君使我心先醉一聞東湖名再讀于湖詩恍然如見二  
大夫使我真欲再拜之君家玉帶垂金魚向來凜凜持

釣樞文夫不要五鼎食自向湖邊築隱居小園種花復  
種竹數畝宜桑亦宜粟人生如此復何求杞酒吟詩得  
自由客來但與談風月萬事如今只掉頭

次韻張通判遊釣隱園

沁字唐英

大家有寶初不靳戲把黃金擲虛牝小家尺寸入校量  
澀縮支撐惟恐盡張侯胸中無不有詩朱落手人已信  
偶然寫作釣隱圖畫出芳州橫小艇水營何事去能忙  
洲學誰禪眠許靜東城車馬起埃塵西嶺烟雲生儻瞬

漁人正用一孤篷傲兀其間俱戰勝追隨魚鳥共飛浮  
俯仰乾坤寄晨暝我雖未是境中人讀罷公詩遊已竟  
從今剩覓予首詩不用芒屨踏幽境

都下次韻酬松陽葉叔文

君不見崑岡烈焰燄蒼穹中有一氣亘天如白虹又不  
見徂徠之山十丈雪但見磊塊碑兀錯立于其中從來  
人事看晚歲不與兒童爭此世五金流處要璫璣萬木  
枯時待松桂我家松源妙人物水怪山竒古仙窟山舍

水氣生萬嘉水抱山形成百折  
仰山先生山水郎呼吸  
水怪含山光裁梅不入積  
李侯植蕙自愛深林芳筆端  
風月三千首血指前頭甘袖手  
腹中文字五千卷白眼  
旁邊不開口流泉百尺松風涼  
玉琴一曲自琅琅三間  
茅屋夜有光直入斗牛何煌煌  
萬鍾嗟峨劍頭米九州  
幾何太倉杞得錢嫁女吾事了  
歸向空山教兒子此時  
方帽一先生野老相遇無姓名  
草間泥飲同一醉醉裏  
小詩還自成竹杖山邊行  
翠圍松舟水上眠風漪山行

水宿似有道或者疑是唐天師

松陽諸葉皆出邵山唐有道先生葉天師古

來藝達非道許道在回愚與參曾戰於靈觸焉得剛落  
盡皮毛吾甚武復留有象地中藏豐屋無人天際翔捨  
梧養樾師也賤有芒無樞農之良徐行周視故無遺大  
道不勞私智窺堂堂夏屋忍空曠擾擾利場同繫維戒  
生有志今十齡黎黃求反晝夜鳴邇來漸覺前路闊旋  
叫魂魄還精營美君金玉好弟昆况有百年閭里恩浮  
名于世已無欲此事向我當深論九重城裏得斯人一



笑洗盡衣中塵路傍看者誰解此請君持問無名君

胡撫幹仲方

南郡佳人胡伯始遼鶴重來藕花裏皮冠翠被俯曾城  
一一人民皆故里罪人雖在四民外亦是官家窮赤子  
已將密蔭庇龜魚更把間情親鹿豕東日舊德宛如新  
他日榮觀皆仿此年登八十豈其難官至三師行復爾  
都將厚福與之同只有中庸渠本是却須回向澹菴翁  
此是君家真性理

送張安撫

蓬萊太守厭期會歸結琳宮香火緣路旁送者誰寂切  
之子佩衿青可憐子兮請自曩時說芹館就荒三十年  
邇來窮悴更堪說舍下鞠草厨無烟市門小兒有虛籍  
校官弟子無鳴紘向來一辱聲掃地倒九江水誰為瀦  
守家故是補天手斲鰲四足承高圓小却盛之鑑湖上  
施設次第看後先下車百廢未及舉冕服釋菜供聖賢  
願從博士聽講說飲客就席毋敢專邦人始識蠹簡重

士子稍作青灰然迂生欲舉折洗事衆膽傍碎公加鞭  
合八縣士一戰霸百川之水皆東沿鵲袍如山聲不震  
蔡望却立回清妍紫衣金帶朱兩轡牙旗戟纛來翩翩  
魯侯色笑有深愛南公歎息無前傳翠綢已覺夏室清  
斐几更與秋窓便日輸月給輩相望餽牽竭矣公愈堅  
坐令學者飽藜飯不待先生求酒錢風聲汎汎鄒魯上  
意向往往羸劉前予今如此衿佩何半渡欲濟收吾船  
季鷹家人故難料歸興忽動秋風邊若人固自泰山雨

詎肯作戎楷山泉轅高轍駛不可駐噫以七字成長篇  
庶幾太史聞戎語邂逅可作泮水編

次韻荅胡季履

大壯二首

吾易不師房與雄吾筮不占方與功曰生一字有餘矣  
萬有二千無隱爾家人養大青楓前過鼎一散成灰烟  
泉亭長在麓之始一止于山斯蹇矣君不見坎離汲汲  
長相親天淵混混無停雲陳根已腐光復神碩果未落  
心先人心源翼翼城與拼目光步步遽而醒得路至死

行勿還一竇自到天門山不愁緝緝仍翻翻偏我詐詐  
與姦姦只愁衰情忘躋攀生意自斷它人難公家此事  
最了了萬仞峯頭看飛鳥忽然瞬我鸞鳩鷦隼之凡毛  
傳以鵬翼何其高

君不見大胡公春秋一筆誅群雄要與排鴻驅象爭元  
功素王吾無間然矣命世雖云無有爾至今可望不可  
前海上雲氣藍田烟後無終極前無始定以一元而已  
矣又不見小胡公沈潛探索要且親傳心嫡派非初雲

根生聖聖生神此理即元元即人至今汲汲隨覺餅  
涸者得濡狂者醒濂溪已遠涪州還此事往往歸衡山  
大兒如祖洪濤翻捎擻地怪麾天姦小兒如父勤鑽攀  
深觀博取為其難二公有蘊行未了可惜光陰如過鳥  
一兒今日又霜毛若要及人母太高

送張寺丞知常州

貴謨

吾鄉人物鄭與張堂堂介圭出琳琅論文合草北扉制  
論經合講金華藝兩途未遂如命何四方為君克撫摩

鄭公好義不肯往鄭侍郎不赴襄陽致其事而歸張公好仁須少駐吾

聞天以民為兒又聞君以民為父為天活兒天必亨為

君養父君必賞天公享公壽千齡天子賞公金萬鎰能

回五十萬人命詎止封侯當得政但令聖主民不飢何

必金華與北扉

送李邕州修己字思永

一官全似飛鴻翼不在天南即天北朝辭白馬阿得脂

暮長蠻夷老夫國不知廣源洞裏懷智高何似仇池頂

上楊難敵傍人自歎吾自歌靜處安身最長策蝸蟬聞  
說背如龜龍眼見米形似橘枕椰之粉白于麤椰子之  
泉甘勝蜜婦能瀹餅兒啖果翁自古浮還左執天明坐  
衙將吏走飯罷收廳烏鳥佚人生如此亦何求但媿君  
恩與民力君不見江陵有吏白髭鬚一榻十年穿兩膝

上安撫高大卿五十韻

夔

艷官夜夢米輪蹄晚占熊虎嬉蟠溪魚竿沒浪豹韜出  
金印斗大封全齊百年梁柱出公族外開國子中高孫



平菴悔稿卷二

六

敬仲子孫盡驚鵠太岳廩 早凡黎共惟太尉安國侯

龐眉繡黼游金閨栽蘭種玉一十頃芳潤衮衮生春畦

青齊百郡泥羶酪無地可駟金蛟貌教曹兄弟年正少

仰見赤日東方隣丈夫江南雲水客肯受蠛蠓幽并驂

豹辭重霧氣吞虎屏脫九淵先駭雞于湖故是髯奴壘

蠅棘豈堪高鳳棲群仙競乞紫霞佩凡虎不斷青雲梯

歸正後作蕪湖主簿被薦召用

清都太微觀玉座綠童讀罷天為低英

風爽氣動瑤闕消得君王羨駸駸壽州屬縣董生里小

却去偃邊城鞞知安豐州一州節竹變桑苧淮流不盡青玻

璃人言賜畫須一文不然入二韓侯主誰知尚欠峽山

夢清江萬里隨鳬鷺知施州吏民莫作太守看天子命戎

蘇旄倪新詩恰要好山助嫩助不勞蕭斧抵丁寧縣令

莫負弩我有錦囊消一奚烏絲欄置鐵鉤鎖黃絹色搖

金白麤姓名飛入玉宸殿道山藏室頻吹藜加帖職諸公

著意疎賈誼更欲盛戎西山西二年萬事欲歸報九重

叩叩舒虹霓除知文州不赴乞對返除倉部坐看珠宿麗責瑣旌見壁

月升璇題

司農卿

太倉大農百蠹淨雀鼠不敢窺糠粃凝

香忽作兵衛想歸院罷吟花柳迷九霄回首睇江漢翼

軫十萬方兒啼耕田無牛種無水小雨不肯成深泥下

鄉樵地販菱藕上鄉種木生楔梯殿前拜予別香案臣

與濁世施金篋玉皇領首許西去歸來相待行沙堤高

牙大纛出天邑寶童玉篆司宸奎堂堂雲漢六千里一

日四履歸封提轅門下令喚諸將膝行仰視焉不嘶恩

威日夜徧平楚先聲百驛傳幽蹊兒童齊歌父老泣竹

馬鳩秋相扶攜黑頭元帥我父母夫耕婦饁爭鋤犁小  
儒拳足亦重拜此豈有意希提撕囊中大字願一獻丹  
書什襲藏青緹主言天遠赤予窮眼中籍籍狼牧叛法  
當炮剔去其毒如食附子除皮膚次言民風自太古訟  
詬不鳴清狂安平只可餌芝朮瞑眩不勞施堇醢下  
言楮幣賤如土破紙敗墨難勾稽低昂失道百貨湧銖  
撮等分須稱提使君自有五色丸丹砂玉屑調珠犀慙  
慙儻肯用洩渤解后或可除痃癰只恐明時要醫國衮

衣天上賦歸兮

常山縣

常山縣東足可惜山光半紫溪全碧  
柳嶼陰中軋軋車  
桑疇徑裏青青麥溪流終日伴人行  
隔岸青山喚得應  
石季倫家新步障李將軍畫小圍屏  
多情小艇招賢渡  
載我溪南看山去黃昏戒宿溪自行  
只有青山伴人住

建平縣道中

糖麗花開官路香客子欲歸官路長  
稻田水足新秧黃

小麥吐秀南風涼  
村村煮酒開官坊  
家家禁忌障蠶房  
門前健婦能招商  
茗盃角餌邀人嘗  
若無橫賦深刻牀  
我欲問舍雞林鄉

舟中閱親舊書

王稅官遺我一紙書  
告我六十七灘名  
舟人愛捷不愛穩  
勸君勿盤官莫聽  
曹光生遺我一紙  
書山百餘字相  
丁寧扶持世道貴  
深穩切莫浪戰傾  
人城兩書共作一  
書捲一日十發手  
不停口吟一字三  
太息眼淚迸作黃

流傾我生三十有六歲今年始別父母行母兮恐我臨  
天險夢寐聽我盤灘聲父兮恐我蹈人險行坐勸我去  
寬平二君此語誰告之乃能得我父母情從今座右置  
此紙夜思晝讀當盤銘

送趙令赴江陵

奇曄

平生所聞趙景明太阿出匣百士死不令赤子縛可汗  
亦合麻鞋見天子霜風獵獵鬐毛斑萬里水縣荻蒲間  
妻兒稱屈大夫笑閉閣正用蕪麻頑邊頭有兵人要籍

邊頭有萊人要闢名佳實惡君勿信塞下吏民須蕩佚  
檢氏如葦身如弦有時白眼對世賢正爾忽憶諸梁篇  
稍事細謹無流連

葉正則送行詩  
有細謹等語

### 荅陳江州和少游梅花韻見寄

葉似枯疎元不槁枝似橫斜元不倒幾年花卉受渠數  
無限詩人被渠惱冰霜冷淡姑人香桃李衰遲嘆我早  
露中梳洗怕添妝雪裡埋藏畏稱好龍頭村外忽相見  
萬紫千紅遭一掃却因計早遂成遲桃杏開時吾已老



樓頭片片逐鳴笳  
簷額紛紛隨芳草  
賴憑全彈貯微酸  
長為天公轉芒昊

送張升之四首

升之升之子其歸白雲鴻雁天邊飛  
我嗟不能從子歸  
頗予為我尋松溪松溪頭萬株松樹平安不

故人故人休相憶  
居去江南我江北  
江南江北天茫茫  
相思各在天一方  
天邊有雁江有魚  
相思為寄尺素書  
昔年常恨李白杜甫不相從  
又見韓愈益郊恨不如雲

龍我今與子別正與二子同我在大江北君歸五湖東  
我猶作楚客君復為吳儂江湖吳楚休相憶青雲有路  
各努力

天公昨日為我悲陰雲慘慘風淒淒天公今日為我喜  
朝陽晃晃融新泥一悲復一喜天意良有以悲我東齊  
別心友喜子還家奉甘旨心友不可別甘旨不可闕人  
生安得兩如意故人一別今千里他時迎何還東州約  
君過我松溪頭

久旱得雨

不羨二十四考中書令不羨萬八千戶冠軍侯  
不羨萬羨朝朱雨黃金白壁尚可求去年大熟市無米官船載  
使資他州千艘萬楫日夜去今年天旱始知憂高田已  
逐黃埃化湖田五月種未投豈無飛車捲湖水千日南  
風吹絕流域郭村原百萬口性命頃刻難為留如人奄  
奄氣欲斷尚有微息出入三寸喉天公亦有萬金藥刀  
圭一試沉疴瘳蔽藏赤日雲掩掩呼吸涼氣風修修雨

聲未落人已快便有生意還梧楸夜深稍稍到竹屋曉  
起涓涓行瓦溝但看病草泣流血想見羸袂新舉頭兜  
童亦知一雨好牽衣挽脰寬人愁早未已死不可救晚  
未未出猶堪收天公有意憐赤子願雨三日無少休

大雨破塊而入書籍盡濕

容齋先生楚樓北案上文書似山積夜來醉臥不知曉  
驪龍翻空作戲劇巽二顛狂助叫號吹下銀河人千尺  
阿香寤起推雲車鐵鼓金輪吼空壁先生鼻息正雷鳴

萬狀千聲驚不得興闕無奈此生何噴入塞窓弄文墨  
海神推浪上蓬萊夫漢回波浸圭壁蘓卿引水灌西周  
柱下老君翻藏室于美多應是水仙遺稿猶羅來陽厄  
初疑漢室濫觴餘又如高鳳堂中麥兒童見者各心驚  
先生笑罷吟扇側秦火雖焚道不焚唐丹縱溺文難溺  
摸索枯腸間雨師柰我胸中真六籍

陳櫻寧既刊周左司太倉梯米集子阜陽趙使君  
復刊櫻寧詩于荆門詩家皆美其師徒傳授之懿

余亦次韻美之

鄉人長幼班以年戚姻遠近合以連末如骨肉金石堅  
祖孫父子其屬天詩人一炷倉梯烟玉川拜後樓寧前  
如念爾祖思厥先非真有聞胡傳焉漢餘師法忘襲沿  
譜系散落觀者眩玉川搖首吾不然持此薄命將誰妍  
向來得法雙膝穿老矣重任猶承肩有能一鏃直戒弦  
兩手付汝 缺三字  
君不見大書深刻開重玄徧四大海  
求其傳

夔州永安宮詞

許昌門外驅霆鏖玉筋驚拋夜無迹五花驕馬雲作蹄  
飛渡檀溪人未識大隄八月陰風起葉落花黃心欲死  
山枯石裂見蒼龍三十六鱗終赴水達達槌鼓上瞿塘  
老瞞落筆三川忙蓬萊一夜雨鼃死血殷海水天無光  
謂闔張也金戈鐵馬宮前道龍旗未捲君王老當時玉座醉  
春桃今日銅駝泣秋草從來兩髀彫鞍側不為兒曹營  
玉食生將一死荅將軍死用一生酬相國喬家小郎名

賞音王房花貌空泥吟公瑾欲以官室子女留之于吳吳娃解掩夫羞  
面難繫劉郎一寸心

次韻叔父從沈氏上酒

時酒禁方嚴官酒殊不佳

雨後桃笙新睡足經年一夢葡萄綠江南慶信萬斛愁  
安得杯羹為渠飯南風日日送啼鳥東老好事今能無  
督郵面目日可厭青州綱密音塵疎誰能過我致十楮  
音字尚堪供問答令人自憶平陽侯日飲無何惟閉閣

祁陽縣晚渡



郭外湘江清徹底江頭石壁新如洗呼舟斜日度空明  
脫帽中流照清泚一聲款乃忽心驚曾與漁郎有舊盟  
日暮征車猶未已鬢毛如此欲何營

寒食道中

兒時只願春長早老去始知春要老人老高低事事諧  
春深遠近家家好鶯來燕去總闕天絮起萍浮俱合道  
浪將開落惱閒心却恨少年何草草

寒食輿病呈城西再續去年之詠

冉冉飛來紅杏雨又到去年花落處花今落慣已如常  
莫怪春歸春不語却思來女染春時弄粉調朱傅綠枝  
只見插花人似錦誰知當日手如龜

以椰子香爐花瓶為大人壽

石湖居士虞衡志椰子之身本援類葉間各結三四子  
大者能容五升甕初如青縑美少年漸久漸黃堅且綴  
有穰如玉汁如乳味如春醪飲輒醉畚畝老工巧心數  
能製瓶爐出新意盡力揩摩發光彩一月工夫成一枝

二瓶可花爐可香中有千鍾萬鍾味  
牋封縑裏送大人  
伴以銀奩古心字四君俱自南天來  
一老新霑北辰賜  
金章紫綬照鄉閭  
王色冰神明聽視  
天上煌煌列宿光  
人間赫赫真郎貴  
人言書自武昌來  
知是吾兒壽詩至  
兒供椰果勸椰杯  
花露香風俱酒氣  
慙慙更作椰子詩  
甲子中間一年歲

用韻為席壻壽

四月二十八日

仲呂欲轉旋賓官  
巽位不放離風通  
世有大族傳伊嵩

天與峻秀包邱熊生申降甫何穹崇赤昂太白來虛空  
星光嶽氣溢以充聖罇賢榮醒後中樞琴大叫蒼梧風  
呵斗極向南雲東斗指巳也向來兩手超遙裳連取三鶚摧  
其哀南宮作賦蓋雷同坐見瓦釜歎玲瓏老驥迴立雌  
群雄大花晚折王衆聚不妨吾事日以隆小待造物觀  
其終良金美玉無不公陽春白雪無不聰琅函璽字書  
春功繡鶉絨坐開曉幪我時一醉衰顏紅但願玉貴甘  
冰窮

四伯父生朝集老杜句二十韻

三月三日天氣新  
著處繁華矜是日  
明日蕭條盡醉醒  
碧牕宿露濛濛濕  
南極老人自有星  
掛君高堂之素壁  
仙人玉女回雲車  
萬草千花動疑碧  
竒祥異瑞爭來送  
麟角鳳嘴世莫識  
酒肉如山又一時  
滿堂賓客皆歡息  
正是江南好風景  
苑中萬物生顏色  
遮莫鄰雞下五更  
且將款曲終今夕  
獨慙投漢閣出守  
吾家姪懶慢不出  
村生無所成頭皓  
白朋知來  
戒顏汝伯何由髮如

漆紅顏白面花映由秋水為神玉為骨玄圃蒼洲莽空  
闊神仙中人不易得在於甫也何由羨扶持自是神明  
力君不見大兒聰明到越羅蜀館金粟尺裁縫雲霧成  
御衣朝廷託憶裳祿袂小兒心孔開射策君門期第一  
今春喜氣滿乾坤來級即看隨畫鷁文夫生兒有如此  
百年未見歡娛畢南極老人應壽昌人生歡會豈有極

平菴悔稿卷二

六

平菴悔稿卷二